

此章言身心妄動而生輕躁使人以重輕繳其情也內重者則無狂妄之輕心靜者則無忿戾之躁故知輕以重爲本動以靜爲君也古者吉行乘乘車師行乘兵車皆輕車也後有重車以載寢食服御之物謂之輜重也而輕車終日行不與重車相離者輕以重爲本也雖然宴樂於榮觀之勝境此心超然如燕居無事之時不爲宴樂遊觀以累其心者動以靜爲君也萬乘之主豈可妄動其身心乎身妄動尙失之輕身猶臣故曰輕則失臣也心妄動則失之重心猶君天君內擾失靜之全故曰躁則失君也

善行無轍章第二十七

道藏輯要

道德上經釋辭

七

心集九
XVIII

善行無轍迹善言無瑕謫善計不用籌策善閉無關鍵而不可開善結無繩約而不可解是以聖人常善救人故無棄人常善救物故無棄物是謂襲明故善人不善人之師不善人善人之資不貴其師不愛其資雖智大迷是謂要妙

行所當行雖行而無迹也中節之言雖言而無過也事至順應安用智術而計度也閉息內觀雖無關鍵其可開也陰陽妙合雖無繩約其可解也是以聖人隨材用人故無棄人因時制物故無棄物常存救人救物之心而念念相續是謂襲明善者其德可法是因其善而從其善故曰師不善者其行可戒且因其惡而知其爲善故曰資如其見可師者而不知

貴見可資者而不知愛雖有過人之智迷惑之大也能從其師能取其資則爲進修至要之術也

知其雄章第二十八

知其雄守其雌爲天下谿爲天下谿常德不離復歸於嬰兒知其白守其黑爲天下式爲天下式常德不忒復歸於無極知其榮守其辱爲天下谷爲天下谷常德乃足復歸於樸樸散則爲器聖人用之則爲官長故大制不割

知其雄守其雌者如勇力蓋世守之以柔弱也谿低下水歸之人謙下眾歸之謙虛柔弱志意恆安乃見吾之常德不離於身心如嬰兒純一和氣常全也知其白守其黑者如聰明

道藏輯要

道德上經釋辭

美

心集九
六四八

聖智守之以愚闇也式軌則也若愚若昧不銜不矜而爲修身之軌則乃見吾之常德而不差忒復無心於無欲澹和內足也知其榮守其辱者如富貴尊榮守之以卑辱也忘其富貴降志下心則其中寬大如谷之虛無物不容乃見吾之常德充足無虧忠信質實抱樸還純以復其初也木未斲曰樸斲削然後成器樸喻道器喻法大道廢有仁義刑政之意也聖人用之則爲官長者蓋言用仁義刑政以齊民也以道治天下謂之大制也不割者言道與法不相離理事無礙之意也其意蓋謂器非木不成木非器無用聖人雖然用仁義刑政皆出於無心順事理之當然無爲而無不爲道體法用道